



SLUŽBENI GLASNIK OPĆINE JABLANICA

broj 9/2024.







S A D R Ź A J
SLUŽBENOG GLASNIKA OPĆINE JABLANICA
BROJ: 9/2024

Red. br.	N A Z I V A K T A	Strana
1.	Odluka o izmjenama i dopunama Budžeta/Proračuna Općine Jablanica za 2024. godinu	5
2.	Odluka o proglašenju stanja prirodne nesreće na području općine Jablanica	7
3.	Odluka o volonterskom obavljanju funkcije predsjedavajućeg OV-a	8
4.	Odluka o izmjenama i dopunama Pravilnika o radnim odnosima u općinskom organu uprave Općine Jablanica	8
5.	Rješenje o privremenom imenovanju predsjednika i člana Školskog odbora Javne ustanove Srednja škola Jablanica	10
6.	Zaključak uplata novčanih sredstava – Ramski polumaraton	11
7.	Zaključak uplata novčanih sredstava Udruženje veterana BVP 4. Korpusa Konjic	12
8.	Odluka o uslovima i kriterijima za dodjelu ugovora za obavljanje prevoza učenika Osnovne škole „Suljo Čilić” Jablanica	12
9.	Rješenje o imenovanju Operativnog tima za socijalnu zaštitu i inkluziju (SZI OT)	14
10.	Rješenje o imenovanju Općinske komisije za procjenu šteta od prirodnih i drugih nesreća	15





Na osnovu člana 37. i 38. Zakona o Budžetima - Proračunima u Federaciji BiH ("Službene novine Federacije BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22a), člana 17. Zakona o principima lokalne samouprave u F BiH ("Sl. novine F BiH" broj: 49/06 i 51/09) i člana 18. i 22. Statuta Općine Jablanica ("Službeni glasnik Općine Jablanica", broj: 2/09, 8/16 i 2/20) Općinsko vijeće na Vanrednoj sjednici održanoj dana 12.10.2024. godine donosi

ODLUKU O IZMJENAMA I DOPUNAMA BUDŽETA - PRORAČUNA OPĆINE JABLANICA ZA 2024. GODINU

Član 1.

U članu 2. Budžeta - Proračuna Općine Jablanica za 2024. godinu ("Sl. glasnik općine Jablanica", broj: 11/23) u odjeljku A prihodi i primici i odjeljku B rashodi i izdaci pojedine stavke se mijenjaju i glase:

I OPĆI DIO						
	Bilans prihoda i rashoda	Funkc. klasif.	Budžet 2024. god.	Izmjene i dopune Budžeta za 2024. godinu	Razlika	Index 5:4
1	2	3	4	5	6	7
PRIHODI:1.	Bilans prihoda		16.503.710,00	17.003.710,00	500.000,00	103
RASHODI:2.	Bilans rashoda		16.503.710,00	17.003.710,00	500.000,00	103
RAZLIKA	RAZLIKA		0,00	0,00	0,00	

Član 2.

Prihodi i primici i rashodi i izdaci po grupama i namjenama utvrđuju se u Bilansu prihoda i primitaka i Bilansu rashod i izdataka kako slijedi:

A - PRIHODI I PRIMICI						
	Bilans prihoda i rashoda	Funkc. klasif.	Budžet 2024. god.	Izmjene i dopune Budžeta za 2024. godinu	Razlika	Index 5:4
1	2	3	4	5	6	7
700000/81	PRIHODI I PRIMICI		16.503.710,00	17.003.710,00	500.000,00	103
730000	TEKUĆI TRANSFERI (POTPORE I GRANTOVI)		1.246.550,00	1.746.550,00	500.000,00	140
733100	Primljene donacije za sanaciju šteta od prirodne nesreće		0,00	500.000,00	500.000,00	0

	Bilans prihoda i rashoda	Funkc. klasif.	Budžet 2024. god.	Izmjene i dopune Budžeta za 2024. godinu	Razlika	Index 5:4
1	2	3	4	5	6	7
600000/82/99	RASHODI I IZDACI		16.503.710,00	17.003.710,00	500.000,00	103
600000	UKUPNI RASHODI		14.859.708,00	15.359.708,00	500.000,00	103
614000	TEKUĆI TRANSFERI I DRUGI TEKUĆI RASHODI		4.758.550,00	4.958.550,00	200.000,00	104
614400	Subvencije javnim preduzećima	0180	960.160,00	1.160.160,00	200.000,00	121



614420	Ostale subvencije javnim preduzećima	0180	479.000,00	679.000,00	200.000,00	142
614423	Subvencije JKP "Jablanica" - materijala za rekons. i proš. vod. i kan. mreže	0180	30.000,00	130.000,00	100.000,00	433
614423	Subvencije JKP "Jablanica" - materijal za sanaciju kvarova na lokalnim vodovodima	0180	20.000,00	120.000,00	100.000,00	600
615000	KAPITALNI TRANSFERI	0180	5.615.550,00	5.915.550,00	300.000,00	105
615100	Kapitalni transferi drugim razinama vlasti	0180	5.615.550,00	5.915.550,00	300.000,00	105
615110	Kapitalni transferi drugim razinama vlasti	0180	5.615.550,00	5.915.550,00	300.000,00	105
615117	Projekti civilne zaštite	0180	30.000,00	330.000,00	300.000,00	1100

Odluka o izmjenama i dopunama Budžeta - Proračuna Općine Jablanica za 2024. godinu stupa na snagu danom donošenja.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-2109-1/24-VS
Jablanica, 12.10.2024. godine

PREDSJEDAVAJUĆI OV-a
Emir Muratović, BA ing.grad. s.r.



Na osnovu člana 29. tačka 7. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije Bosne i Hercegovine“ broj 39/03 i 22/06 i 43/10) i člana 41. Statuta Općine Jablanica („Službeni glasnik Općine Jablanica“ broj: 2/09, 8/16 i 2/20, Općinski načelnik na prijedlog Općinskog štaba civilne zaštite, donosi

ODLUKU

o proglašenju stanja prirodne nesreće na području Općine Jablanica

I

Proglašava se stanje prirodne nesreće na području Općine Jablanica, izazvane velikim kišnim padavinama, koje su zahvatile područje Općine Jablanica od 03.10. do 04.10.2024. godine, te uzrokovale gubitak ljudskih života i prčinile veliku materijalnu štetu na stambenim objektima, putnoj infrastrukturi, biljnom i životinjskom svijetu.

II

Prirodnom nesrećom je obuhvaćeno područje cijele općine Jablanica.

III

Određuje se Općinski štab civilne zaštite Općine Jablanica da rukovodi akcijama zaštite i spašavanja ljudi i materijalnih dobara.

IV

Naređuje se privrednim subjektima i građanima sa područja općine Jablanica da stave na raspolaganje Općinskom štabu civilne zaštite sva raspoloživa sredstva i opremu potrebnu za normalizaciju stanja na području Općine Jablanica.

V

Zadužuje se Općinska komisija za procjenu štete da u skladu sa Uredbom o jedinstvenoj metodologiji za procjenu šteta od prirodnih i drugih nesreća (“Službene novine Federacije BiH” broj: 75/04, 38/06, 52/09, 56/09 i 36/14), izvrši procjenu nastale štete, te sačini Elaborat o nastaloj šteti.

VI

Zadužuje se Služba civilne zaštite Općine Jablanica da kontinuirano prati stanje na terenu, te predlaže Općinskom štabu civilne zaštite, mjere i aktivnosti koje će se poduzimati u cilju zaštite i spašavanja ljudi i materijalnih dobara.

VII

Ova Odluka stupa na snagu odmah i objaviti će se u sredstvima javnog informisanja (JP RTV Jablanica i u Službenom glasniku Općine Jablanica).

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK

Broj: 01-40-2083/24
Jablanica, 04.10.2024.g

OPĆINSKI NAČELNIK
Damir Šabanović s.r.



Na osnovu člana 26. stav 3. Statuta Općine Jablanica («Službeni glasnik općine Jablanica» broj:2/09, 8/16 i 2/20) i Odluke o izboru predsjedavajućeg Općinskog vijeća Općine Jablanica br. 02-02-10-5/21-I od 13.01.2021.godine, *d o n o s i m*

ODLUKU
o volonterskom obavljanju funkcije predsjedavajućeg
Općinskog vijeća Općine Jablanica

Član 1.

Predsjedavajući Općinskog vijeća Općine Jablanica Emir Muratović, izabran 13.01.2021. godine svoju funkciju će obavljati volonterski počev od 11.10.2024. godine i dalje do isteka mandata.

Član 2.

Ova Odluka će se priložit Odluci o izboru predsjedavajućeg Općinskog vijeća Općine Jablanica broj: 02-02-10-5/21 – I od 13.01.2021.godine, uz čije važenje je vezana.

Član 3.

Stupanjem na snagu ove Odluke, prestaje da važi Odluka o profesionalnom obavljanju funkcije predsjedavajućeg Općinskog vijeća Općine Jablanica, broj: 02-02-10-5-1/12 – I od 01.02.2021.godine.

Član 4.

Ova Odluka stupa na snagu danom donošenja, a objaviće se u “Službenom glasniku općine Jablanica”.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-10-5-2/21-I
Jablanica, 30.09.2024.g.

PREDSJEDAVAJUĆI OV-a
Emir Muratović,BA ing.grad.,s.r.

Na osnovu člana 118. Zakona o radu („Službene novine Federacije BiH“ , broj: 26/16, 89/18, 23/20 – Odluka US, 49/21 – dr.zakon, 103/21 – dr zakon, 44/22 i 39/24), Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine HNK“, broj: 7/24) i člana 41. Statuta općine Jablanica (“Službeni glasnik općine Jablanica” broj: 2/09, 8/16 i 2/20), a u skladu sa Smjernicama za vođenje kadrovske politike u Općini Jablanica („Službeni glasnik Općine Jablanica“, broj: 4/04) uz saglasnost Sindikalne organizacije organa uprave Općine Jablanica, Općinski načelnik, *d o n o s i*

ODLUKU
o izmjenama i dopunama Pravilnika o radnim odnosima u Općinskom organu uprave Općine
Jablanica

Član 1.

Ovom Odlukom vrši se izmjena i dopuna Pravilnika o radnim odnosima u Općinskom organu uprave Općine Jablanica (“Službeni glasnik općine Jablanica”, broj: 4/18, 10/21) – u daljem tekstu Pravilnik.

Član 2.

Član 35. Pravilnika mijenja se i glasi:

„Službenici i namještenici imaju pravo na godišnji odmor u trajanju od najmanje 20 radnih dana.



Godišnji odmor se uvećava prema posebnim osnovama i mjerilima, s tim da ukupno trajanje godišnjeg odmora službenika i namještenika ne može biti duže od 36 (trideset i šest) radnih dana.

Uvećanje godišnjeg odmora vršice se prema sljedećim osnovama i mjerilima:

a) Po osnovu radnog staža:

- 1) za svake tri godine radnog staža jedan dan.

b) Po osnovu složenosti poslova:

- 2) državnim službenicima koji obavljaju poslove visoke stručne sprema - četiri dana,
- 3) namještenicima koji obavljaju poslove više i VKV stručne sprema - tri dana,
- 4) namještenicima koji obavljaju poslove srednje i KV stručne sprema - dva dana,
- 5) ostalim namještenicima - jedan dan.

c) Po osnovu prirode posla:

- 1) rad na poslovima sa otežanim uslovima rada u skladu sa Zakonom o radu - tri dana,
- 2) rad u smjenama i u neradne dane - dva dana,

d) Po osnovu socijalnih i zdravstvenih uslova rada:

- 1) roditelju ili staratelju sa djetetom do sedam godina - jedan dan za svako dijete,
- 2) samohranom roditelju ili staratelju sa djetetom do deset godina - dva dana za svako dijete,
- 3) samohranom roditelju ili staratelju djeteta sa težim smetnjama u razvoju (hendikepiranim djetetom) - dva dana za svako dijete,
- 4) invalidu - dva dana.

e) Po osnovu rezultata rada:

- 1) za uspješne rezultate rada - jedan dan,
- 2) za naročito uspješne rezultate rada - dva dana.

f) Po osnovu učešća u oružanim snagama:

- 1) učešće u odbrambeno-oslobodilačkom/domovinskom ratu 12-18 mjeseci - jedan dan,
- 2) učešće u odbrambeno-oslobodilačkom/domovinskom ratu 18-30 mjeseci - dva dana,
- 3) učešće u odbrambeno-oslobodilačkom/domovinskom ratu više od 30 mjeseci - tri dana.

Godišnji odmor na osnovu odredbi stava 3. Pod d) i e) ovog člana uvećava se uz podnošenje relevantne dokumentacije”.

Član 3.

U članu 42. Pravilnika dodaje se tačka f) koja glasi :

„sindikalom povjereniku i drugom predstavniku reprezentativnog Sindikata zbog obavljanja sindikalnih aktivnosti i zbog prisustva sindikalnim sastancima, kongresima, konferencijama, seminarima, sindikalnim školama, sindikalnim sportskim susretima i drugim oblicima osposobljavanja u zemlji i inostranstvu u trajanju od 2 dana mjesečno, na osnovu zvaničnog pismenog poziva organa Sindikata čiji je član“.

Član 4.

Član 61. Pravilnika mijenja se i sada glasi

„(1) Osnovna plaća službenika i namještenika se uvećava za:

- a) prekovremeni rad - 50%;
- b) noćni rad - 35%;
- c) rad u dane sedmičnog odmora - 30%;
- d) rad u dane praznika koji su po zakonu državni praznici - 50%;

(2) Uvećanja iz stava (1) ovog člana se međusobno ne isključuju.

(3) Uvećanje plaća iz stava (1) ovog člana obračunava se od osnovne plaće bez dijela plaće na osnovu penzijskog staža (staža osiguranja) i čini sastavni dio plaće.

(4) Državnom službeniku i namješteniku pripada naknada po osnovu vremena provedenog u pripravnosti za rad. Naknada na osnovu vremena provedenog u pripravnosti za rad iznosi 0,2 % od



prosječne neto plaće isplaćene u Federaciji prema posljednjem objavljenom statističkom podatku za jedan sat proveden u pripravnosti za rad, uz maksimalni mjesečni iznos po licu u visini 20% od prosječne neto plaće isplaćene u Federaciji prema posljednjem objavljenom statističkom podatku“.

Član 5.

U članu 71. Stav 6. mijenja se i glasi:

„Naknada iz stava 1. ovog člana ne može biti utvrđena u iznosu nižem od iznosa koji se isplaćivao na dan 30.juna 2023. godine“.

Član 6.

U članu 72. Stav 5. mijenja se i glasi:

„Naknada iz stava 1. ovog člana ne može biti utvrđena u iznosu nižem od iznosa koji se isplaćivao na dan 30.juna 2023. godine“.

Član 7.

Član 73. Otpremnina, mijenja se i sada glasi:

„(1) Državni službenik i namještenik imaju pravo na otpremninu pri odlasku u penziju u visini svojih pet ostvarenih prosječnih neto plaća isplaćenih u prethodnih pet mjeseci ili pet prosječnih neto plaća isplaćenih u Federaciji Bosne i Hercegovine prema posljednjem objavljenom podatku Federalnog zavoda za statistiku, bez obzira da li odlaze u starosnu, invalidsku ili prijevremenu penziju, u skladu sa zakonom, uz primjenu povoljnijeg prava.

(2) Otpremnina se isplaćuje uz isplatu zadnje pripadajuće plaće“.

Član 8.

Ova Odluka stupa na snagu danom objavljivanja u “Službenom glasniku općine Jablanica”.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK

Broj: 01-30-1793/24
Jablanica, 06.09.2024.g

OPĆINSKI NAČELNIK
Damir Šabanović s.r.

Na osnovu člana 25. stav (3) Zakona o javnim ustanovama („Sl.list RBiH” broj: 6/92, 8/93 i 13/94), člana 4. Zakona o ministarskim, vladinim i drugim imenovanjima Federacije Bosne i Hercegovine («Službene novine Federacije BiH», broj:12/03, 34/03 i 65/13), člana 41. Statuta općine Jablanica («Službeni glasnik općine Jablanica», broj: 2/09, 8/16 i 2/20), člana 14. Odluke o preuzimanju i daljem obavljanju osnivačkih, vlasničkih i drugih prava nad Javnom ustanovom Srednja škola Jablanica (Sl. glasnik općine Jablanica broj 2/03, 7/04 i 2/06), i člana 2. i 4. stav (2) Odluke o postupku i kriterijima za imenovanja na pozicije u reguliranim organima Općine Jablanica («Službeni glasnik općine Jablanica», broj: 4/15), u skladu sa odredbama Statuta JU Srednja škola Jablanica, Općinski načelnik, d o n o s i

R J E Š E N J E

o privremenom imenovanju predsjednika i člana Školskog odbora Javne ustanove Srednja škola Jablanica

I

Emir Šukman, privremeno se imenuje za predsjednika Školskog odbora Javne ustanove Srednja škola Jablanica - predstavnik osnivača.

Sedina Halebić privremeno se imenuje za člana Školskog odbora Javne ustanove Srednja škola Jablanica - predstavnik osnivača.

**II**

Imenovanje iz tačke 1. ovog rješenja vrši se na period do tri (3) mjeseca računajući od 08.08.2024. godine, odnosno do imenovanja predsjednika i člana Školskog odbora u svojstvu predstavnika osnivača u redovnoj proceduri, a po javnom oglasu za izbor i imenovanje predsjednika i člana školskog odbora JU Srednja škola Jablanica.

II

Imenovanje na period do tri (3) mjeseca se vrši izuzetno radi potrebe nesmetanog funkcionisanja JU Srednja škola Jablanica.

IV

Ovo Rješenje stupa na snagu danom donošenja i objaviće se u «Službenom glasniku Općine Jablanica».

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKI NAČELNIK

Broj: 01-34-3-6-2/24
Jablanica, 02.09.2024.g.

OPĆINSKI NAČELNIK
Damir Šabanović s.r.

Na osnovu člana 60. Zakona o budžetima u FBiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 15. Zakona o načelima lokalne samouprave u FBiH („Službene novine FBiH“, broj: 49/06 i 51/09), člana 41. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20), i člana 17. Odluke o izvršenju Budžeta općine Jablanica za 2024. godinu („Službeni glasnik općine Jablanica broj: 11/23), a po prijedlogu nadležne službe, Općinski načelnik ***donosi***

ZAKLJUČAK**I**

Odobrava se izdvajanje sredstava iz Tekuće rezerve Budžeta Općine Jablanica za 2024. godinu u iznosu od 500,00 KM.

Sredstva se odobravaju Sportsko-rekreacijskoj udruzi „Rama u srcu“ Prozor-Rama na ime pomoći u organizaciji 7. Ramskog polumaratona koji će se održati u Prozor – Rami.

II

Sredstva iz stava I ovog Zaključka izdvajaju se sa konta 999999 – Tekuća rezerva i alociraju na konto 614320 – Ostali tekući transferi neprofitnim organizacijama.

III

Sportsko-rekreacijska udruga „Rama u srcu“ Prozor-Rama je dužna dostaviti izvještaj o utrošku sredstava, najkasnije do kraja kalendarske godine.

IV

Za realizaciju ovog zaključka zadužuje se Služba za lokalni ekonomski razvoj i investicije, finansije i trezor.

V

Ovaj Zaključak stupa na snagu danom donošenja i objavit će se u „Službenom glasniku općine Jablanica“.



Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK
Broj: 01-11-1644-1/24
Jablanica, 30.08.2024.g.

OPĆINSKI NAČELNIK
Damir Šabanović s.r.

Na osnovu člana 60. Zakona o budžetima u FBiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 15. Zakona o načelima lokalne samouprave u FBiH („Službene novine FBiH“, broj: 49/06 i 51/09), člana 41. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20), i člana 17. Odluke o izvršenju Budžeta općine Jablanica za 2024. godinu („Službeni glasnik općine Jablanica broj: 11/23), a po prijedlogu nadležne službe, Općinski načelnik *d o n o s i*

ZAKLJUČAK

I

Odobrava se izdvajanje sredstava iz Tekuće rezerve Budžeta Općine Jablanica za 2024. godinu u iznosu od 500,00 KM.

Sredstva se odobravaju Udruženju veterana BVP 4. Korpusa Konjic na ime pomoći u funkcionisanju udruženja.

II

Sredstva iz stava I ovog Zaključka izdvajaju se sa konta 999999 – Tekuća rezerva i alociraju na konto 614320 – Ostali tekući transferi neprofitnim organizacijama.

III

Udruženje veterana BVP 4. Korpusa je dužno dostaviti izvještaj o utrošku sredstava, najkasnije do kraja kalendarske godine.

IV

Za realizaciju ovog zaključka zadužuje se Služba za lokalni ekonomski razvoj i investicije, finansije i trezor.

V

Ovaj Zaključak stupa na snagu danom donošenja i objavit će se u „Službenom glasniku općine Jablanica“.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK
Broj: 01-11-1795/24
Jablanica, 13.09.2024.g.

OPĆINSKI NAČELNIK
Damir Šabanović s.r.

Na osnovu člana 3. stav (2) Odluke o subvencioniranju prevoza učenika Osnovne škole „Suljo Čilić“ Jablanica («Službeni glasnik Općine Jablanica» broj: 9/23) i člana 41. Statuta Općine Jablanica («Službeni glasnik Općine Jablanica» broj: 2/09, 8/16 i 2/20), Općinski načelnik *d o n o s i*

ODLUKU

**o uslovima i kriterijima za dodjelu ugovora za obavljanje
prevoza učenika Osnovne škole „Suljo Čilić“ Jablanica**



I OPĆE ODREDBE

Član 1.

(Predmet Odluke)

Ovom Odlukom utvrđuju se uslovi i kriteriji za dodjelu ugovora za obavljanje prevoza učenika Osnovne škole „Suljo Čilić“ Jablanica za period do kraja polugodišta školske 2024/2025 godine.

Član 2.

(Dodjela ugovora)

Dodjela ugovora izvršiti će se nakon provođenja postupka javnog poziva, u skladu sa odredbama ove odluke.

II PRAVO UČEŠĆA I USLOVI PROVOĐENJA JAVNOG POZIVA

Član 3.

(Pravo učešća)

Pravo učešća na javnom pozivu imaju licencirani prevoznici registrovani na području Bosne i Hercegovine, sa odgovarajućim prevoznim kapacitetom i najmanje jednog kod sebe zaposlenog vozača po prevoznom sredstvu, a koji ispunjavaju obaveze u pogledu plaćanja javnih prihoda (indirektni i direktni porezi i doprinosi za radnike).

Član 4.

Linije koje će biti dodijeljene putem javnog poziva utvrdit će općinski načelnik na prijedlog Službe za opću upravu, društvene djelatnosti, boračko-invalidsku zaštitu, socijalna pitanja i zajedničke poslove prema iskazanim potrebama, u javnom pozivu.

III POSTUPAK JAVNOG POZIVA

Član 5.

(Javni poziv)

- (1) Javni poziv objavljuje općinski načelnik.
- (2) Javni poziv sadrži uslove, vrijeme i period obavljanja prevoza učenika, spisak linija, potrebnu dokumentaciju, rok za podnošenje prijava i druge binte elemente.
- (3) Javni poziv se objavljuje na službenoj web stranici i oglasnoj ploči Općine Jablanica.

Član 6.

(Kriterij za odabir)

- (1) Kriteriji za odabir najpovoljnijeg ponuđača je najniža ponuđena cijena prihvatljive ponude.
- (2) Prihvatljiva ponuda je ponuda koja ispunjava sve uslove propisane javnim pozivom.

Član 7.

(Komisija za provođenje postupka)

- (1) Komisiju za provođenje postupka odabira najpovoljnijeg ponuđača za prevoz učenika (u daljem tekstu: Komisija) imenuje općinski načelnik.
- (2) Komisija se sastoji od tri člana, predsjednika i dva člana.
- (3) Poslovi Komisije uključuju:
 - provođenje javnog otvaranja ponuda,
 - pregledavanje, ocjenu i upoređivanje ponuda,
 - sastavljanje zapisnika o ocjeni ponuda,
 - davanje preporuke općinskom načelniku za donošenje odluke o odabiru ili odluke o poništenju postupka.
- (4) O radu Komisije vodi se zapisnik u koji se unosi cijeli tok postupka. Zapisnik potpisuju svi članovi Komisije.
- (5) Članovi Komisije dužni su poštovati načelo povjerljivosti.



IV ODABIR NAJPOVOLJNIJEG PONUĐAČA I ZAKLJUČENJE UGOVORA

Član 8.

(Odabir najpovoljnijeg ponuđača)

(1) Komisija za provedbu postupka odabira najpovoljnijeg ponuđača za prevoz učenika koju imenuje općinski načelnik, nakon provedenog postupka, daje preporuku općinskom načelniku za donošenje odluke o odabiru najpovoljnijeg ponuđača za prevoz učenika ili odluke o poništenju postupka.

(2) Na preporuku Komisije, općinski načelnik donosi odluku o odabiru najpovoljnijeg ponuđača za prevoz učenika ili odluku o poništenju postupka.

(3) Na odluku o odabiru najpovoljnijeg ponuđača za prevoz učenika, učesnici javnog poziva mogu podnijeti prigovor općinskom načelniku u roku od 2 dana od dana prijema iste, putem dostavljenog kontakt maila.

(3) O prigovoru odlučuje općinski načelnik rješenjem.

(4) Rješenje po prigovoru je konačno.

Član 9.

(Ugovor)

Nakon konačnosti odluke o odabiru najpovoljnijeg ponuđača odnosno rješenja po prigovoru, ukoliko je prigovor podnesen, sa odabranim ponuđačem zaključit će se ugovor o obavljanju prevoza učenika.

V PRELAZNE I ZAVRŠNE ODREDBE

Član 10.

(Stručni i administrativni poslovi)

Sve stručne poslove utvrđene ovom Odlukom, osim poslova Komisije, obavlja Služba za opću upravu, društvene djelatnosti, boračko-invalidsku zaštitu, socijalna pitanja i zajedničke poslove.

Član 11.

(Stupanje na snagu)

Odluka stupa na snagu danom donošenja i objavit će se u „Službenom glasniku Općine Jablanica“.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKI NAČELNIK

Broj: 01-11-1840/24
Jablanica, 06.09.2024.g

OPĆINSKI NAČELNIK
Damir Šabanović s.r.

Na osnovu člana 41. Statuta Općine Jablanica („Službeni glasnik Općine Jablanica, broj: 2/09, 8/16 i 2/20), člana 15. Zakona o principima lokalne samouprave u Federaciji Bosne i Hercegovine (“Službene novine Federacije BiH”, broj: 49/06 i 51/09), na prijedlog Komisije za socijalnu zaštitu i inkluziju (SZI Komisija), Općinski načelnik, **d o n o s i**

R J E Š E N J E**o imenovanju Operativnog tima za socijalnu zaštitu i inkluziju (SZI OT)**

Član 1

Imenuje se Operativni tim za socijalnu zaštitu i inkluziju (SZI OT) općine Jablanica, u sastavu:

1. Naziha Zebić, dipl. psiholog, JU Centar za socijali rad Jablanica;
2. Fatima Jamaković Kladušak, dipl.socijalni radnik, JU Centar za socijali rad Jablanica
3. Zana Čibo, Šef odjeljenja i stručni savjetnik za normativne poslove, ULJR i zajedničke poslove u Službi za opću upravu, društvene djelatnosti, boračko-invalidsku zaštitu, socijalna pitanja i zajedničke poslove;



4. Sanja Idrizović, direktorica JU Dječije obdanište „Pčelica“ Jablanica;
5. Samira Gorančić, profesorica pedagogije .JU Osnovna škola „Suljo Čilić“ Jablanica;
6. Jusuf dr Avdić, specijalista pedijatar, JU Dom zdravlja Jablanica;
7. Lejla Kevrić, profesorica pedagogije, JU Srednja škola Jablanica;
8. Sinan Tufek, Policijska stanica Jablanica.

Član 2

Cilj imenovanja SZI OT općine Jablanica jeste da se osigura, unaprijeđenje procesa procjene, planiranja i pružanja usluga za korisnike, a posebno djece i porodica sa djecom iz ranjivih kategorija društva. SZI OT će u okviru svojih aktivnosti održavati sastanke, izvještavati o svojim aktivnostima te imati niz zadataka kao što su:

- Unaprijeđenje i izgradnja referalnog mehanizma između lokalnih institucija i ustanova sistema socijalne zaštite i inkluzije, kroz izradu Protokola o saradnji i postupanju.
- Osiguranje boljeg i efikasnijeg upravljanja sistemom pružanja usluga i intervencija za djecu i porodice sa djecom primjenom referalnog mehanizma.
- Izrada Protokola/Sporazuma o saradnji i postupanju i primjena Protokola o saradnji i postupanju.
- Podrška SZI Komisiji: u pripremi za održavanje radnih sastanaka i prezentaciji programskih ciljeva; prilikom prikupljanja podataka i analize situacije; u aktivnostima koje se odnose na uklanjanje prepreka i pronalaženje rješenja u interesu djece i porodica sa djecom u lokalnoj zajednici; upripremi i razvoju Akcionog plana; u zagovaranju i lobiranju.
- Prikupljanje informacije vezano za prioritete intervencije.
- Učešće na obukama koje za cilj imaju razvoj kapaciteta.
- Praćenje cjelokupnih programskih aktivnosti i pružanje podrške svim partnerima.

Član 3

Odluka stupa na snagu danom objavljivanja u Službenom glasniku Općine Jablanica.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK

OPĆINSKI NAČELNIK
Damir Šabanović s.r.

Broj: 01-31-1321/24
Jablanica, 21.06.2024.g

Na osnovu člana 29.tačke 8. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“, broj: 39/03,22/06-i 43/10), člana 7. stav 2. tačka 3. Uredbe o jedinstvenoj metodologiji za procjenu šteta od prirodnih i drugih nesreća („Službene novine FBiH“ broj: 75/04, 38/06, 52/09, 56/09 i 36/14), člana 41. Statuta općine Jablanica („Službeni glasnik općine Jablanica“, broj: 2/09, 8/16 i 2/20) Općinski načelnik na prijedlog Službe civilne i protivpožarne zaštite općine Jablanica, donosi

RJEŠENJE

O IMENOVANJU OPĆINSKE KOMISIJE ZA PROCJENU ŠTETA OD PRIRODNIH I DRUGIH NESREĆA

I

Imenuje se komisija za procjenu šteta od prirodnih i drugih nesreća na području općine Jablanica (u daljem tekstu: Komisija) u sastavu:

1. Omanović Jasminka, dipl.ing.grad., predsjednik Komsije
2. Kurić Haris, dipl.ing.grad., član
3. Palić Neska, dipl.ing. arhitekture, član
4. Bajramović Alma, dipl. Inženjer poljoprivrede, član
5. Nezirić Nedžad, magistar geodezije, član



Za Sekretara Komisije nadležnog za poslove iz člana 9. stav 2. Uredbe o jedinstvenoj metodologiji za procjenu šteta od prirodnih i drugih nesreća imenuje se Čosić Mirsad.

II

Zadaci općinske Komisije su sljedeći:

- 1) obrazuje potreban broj stručnih komisija za procjenu šteta (u daljem tekstu: stručna komisija) i svakoj toj komisiji određuje područje na kojem će vršiti procjenu šteta, a prema potrebi, naročito kada se radi o manjim štetama, i sama neposredno vrši poslove procjene štete;
- 2) određuje rok do kojega se mora završiti procjena šteta;
- 3) brine se o pravilnoj primjeni Uredbe o jedinstvenoj metodologiji za procjenu šteta od prirodnih i drugih nesreća („Službene novine FBiH“ broj: 75/04, 38/06, 52/09, 56/09 i 36/14) objedinjava rad svih stručnih komisija na području općine i tim komisijama pruža potrebnu stručnu pomoć;
- 4) izrađuje zbirni izvještaj o procijenjenim štetama na području općine i dostavlja ga općinskom načelniku na razmatranje;
- 5) izvještaj usvojen od strane Općinskog vijeća dostavlja Federalnom zavodu za statistiku u roku od 15 dana od dana usvajanja, a jedan primjerak izvještaja dostavlja kantonalnoj komisiji za procjenu štete;
- 6) predlaže prioritete za korištenje sredstava i prati korištenje sredstava koja su dodjeljena za saniranje i otklanjanje posljedica koje su nastale od prirodne ili druge nesreće i o tome izvještava općinskog načelnika.
- 7) vodi evidenciju o nastalim štetama na području općine prema obrascu E – Š.

III

Komisija se imenuje na period od 4 godine.

IV

Članovima komisije iz tačke I ovog Rješenja, kao i stručnim komisijama iz tačke II, za rad u komisiji pripada naknada u visini koje utvrdi Općinski načelnik, na prijedlog Predsjednika Komisije.

Naknada članovima komisije pripada samo za vrijeme kada komisije vrše poslove iz svoje nadležnosti za koje su obrazovane.

V

U sastav Komisije mogu se, ako se za to ukaže potreba, imenovati i druge stručne osobe iz odgovarajućih blasti, sa svim pravima i obavezama kao i članovi Komisije iz tačke I i II ovog Rješenja.

Ovim rješenjem stavlja se van snage Rješenje o imenovanju Komisije o imenovanju općinske komisije za procjenu šteta od prirodnih i drugih nesreća

VI

Općina Jablanica osigurat će odgovarajuća materijalno – tehnička sredstva, kao i prostor gdje će Komisija obavljati administrativne i druge poslove iz svoje nadležnosti.

VII

Danom stupanja na snagu ovog Rješenja, prestaje da važi Rješenje o imenovanju komisije za procjenu šteta od prirodnih i drugih nesreća broj: 01-40-1663-1/21 od 08.11.2021. godine.

VIII

Ovo Rješenje stupa na snagu danom donošenja, a objavit će se u Službenom glasniku općine Jablanica.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKI NAČELNIK

Broj: 01-40-2083-1/24
Jablanica, 05.10.2024.g

OPĆINSKI NAČELNIK
Damir Šabanović s.r.